



Il mas-chalch da Sent

Publicaziuns officialas. Cumpara seguond bsögn.
2003/2005
no. 2

7554 Sent, 13 favrer 2003 /rz

Giantar cumünaivel

Mardi, als **18 favrer 2003** a las 12.00 i'l hotel Rezia. Annunzchas piglia incunter dna. Erica Clalüna, tel. 081 / 864 07 59.

Jörg Büchel, rav.

Avis – Società da musica Sent

La Società da musica organisescha als **22 favrer 2003 ün bal maschrà** in chasa da scoula, cumanzamaint a las 21:00 e cun premiaziun da las mascras.

Pels uffants ha lö il bal maschrà a partir da las 15.00 fin a las 18.00 in chasa da scoula.

Società da musica Sent

GA-Flexicard – sporta da bigliets favuraivels

Per promouwer il trafic public, dà il Cumün a nossa populaziun la pussibilità da cumprar bigliets favuraivels, culs quals i's po viagiari in tuot la Svizra cul tren, posta, barcha, tram e bus ün di a la lunga.

Il bigliet es datà e vaglia be per quel di. **Per mincha di es avantman be ün bigliet.**

Interessents pon **reservar** il bigliet pro'l büro cumünal, tel. **081 / 861 20 60.**

Predschi dal bigliet: **fr. 28.—**

Per infuormaziun: Dal 2002 sun gnüts vendüts **292 bigliets** da 365.

Il Cussagl cumünal/Chascha cumünala

Comunicaziun: Mortoris a Sent (Todesfälle)

Sün giavüsch da plüs vaschins chi abitan utrò, ha decis il Cussagl cumünal da comunichar 2 jadas l'on ils mortoris da personas chi stavan a Sent.

<u>Nom, prenom, domicil</u>	<u>cura mort</u>
Vital, Mengia, Sent	7 mai 2002
Felix, Schimun, Sent	27 lügl 2002
Koch, Corsin, Sent	31 avuost 2002
Fried, Jon Peder, Sent	28 november 2002
Salomon, Bertha, Sent	12 december 2002

Controlla d'abitants

-2-

Sairada d'infuormaziun

Il forum d'economia Engiadina Bassa / Val Müstair invida a tuot la populaziun ad üna sairada d'infuormaziun. In seguit als referats as haja la pussibilità da far dumondas, propostas, giavüschs ed eir criticas.

I vain infuormà sur dal:

- forum d'economia Engiadina Bassa / Val Müstair
- Interreg – nouvs progets
- Regio Plus – 'La regiun dal Parc naziunal Engiadina / Val Müstair'

Cura: gövgia, ils 20 marz 2003, 20.15 h

Ingio: in sala cumünala Misoch Sent

Chi: Philipp Gunzinger (forum d'economia)
Marisa Feuerstein (Interreg)
Gianna Rauch (Regio Plus)